



17. marts 2009

Inatsisartut suleriaasianni § 36 imm. 1 innersuussutigalugu naalackersuisunut apeqquteqaat.

1. "Nunaqarfinni Aqutsisunik qinersinissami qinersivinni nutartikkani qanoq amerlatigisunik ilaasortaqaarnissaq naatsorsueriaaseq suna toqqammavigalugu naalackersuisunit aalajangerneqarpa

2. Naalackersuisut taama nunaqarfinnut isiginneriaaseq takutiataat nunaqarfinnik aalajangersimasunik inuerusaanissaminnut ilimasaarutaattut isumaqarpa?"

(Josef Motzfeldt, Inuit Ataqtigiit)

Tungavilersuut:

Nunaqarfinni Aqutsisunut nutaamik qinersinissami nutaamik aaqqiisoqarpoq, ilaatigut kommunit kattussuunnerisa nassatarisaanik.

Soorlu nunaqarfiit arlariit kattullutik sinniisissaminnik qinersisussanngorlugit taamalu aamma siunertarineqartutut nuna tamakkerlugu Nunaqarfinni Aqutsisut ikilillugit katillugit 101-iinnanngorlugit.

Naalackersuisut siulittaasuata Naalackersuisoqarfianit 12. marts 2009 Qinersinermi Siulersuisunut tamanut allakkatigut naalackersuisut nunaqarfiit sorliit pingasunik sorliillu tallimanik ilaasortaqaalissanersut aalajangersimasatik nalunaarutigaat.

Naalackersuisut nalunaarutaat qinersivinngortunut aamma qinikkat amerlassusissaannut tunngasutigut paasiuminaatsortaqaarpoq.

- Qinersiviit ataasiakkaat inuttussusaat tunngavigineqarsimanngitsoq paasinarpoq.

- Qinersiviit ataasiakkaat isorartussusaat aamma tunngavigineqarsimanngitsoq takuneqarsinnaavoq.

Apeqquteqaateqarninni matumani inoqarfinni ataasiakkaani innuttaasut amerlassusaannut paasissutissat

"Ukiumoortumik kisitsisitigut paasissutissat 2008"-iittut toqqammavigaakka.

Assersuut 1:

- Qinersivik isorartooq pingasunik nunaqarfilik 344-nik innuttaqartoq, 3-nik Aqutsisuni ilaasortaqaassasoq aalajangerneqarsimavoq.

- Uffa qinersivik marlunnik imminnut ersiinnartunik nunaqarfilik 164-inik innuttaqartoq 5-nik Aqutsisuni ilaasortaqaassasoq aalajangerneqasimasoq.

Assersuut 2:

- Qinersivik pingasunik nunaqarfeqartoq 26-nillu siamaseqisunik inoqarfeqartoq 321-nik innuttaqartoq 3-nik Aqutsisuni ilaasortaqaassasoq aalajangerneqarsimavoq
- Uffa qinersivik marlunnik imminnut 40 km missaannaannik ungasitsigisunik nunaqarfilik 240-nik innuttaqartoq 5-nik Aqutsisuni ilaasortaqaassasoq aalajangerneqarsimasoq.

Nunaqarfinni Aqutsisut tassaapput innuttaasut qanimut oqartussaaqataanerata sorlaqarfippiai. Taamaattumik qanimut qinikkaminnik sinniissuutitaqarnissaannik aalajangersaanermi kinaassusersionnertaqanngitsumik oqimaaqatigiissitsinermik tunngaveqarnissaq naalakkersuisut pingaartissimassagaat naatsorsuutigineqartariaqaraluarpoq.

Akissut ullut nalinginnaq suliffiusut qulit qaangiutsinnagit tigoreersimarussuppara.